



15
1907
9

<2005-3226>

輟耕錄卷第十五

淳化閣帖

淳化閣帖非精於鑒賞者莫能辨其真僞非博於討論者不可得其源流第六卷中嘗記祖石刻之說今復究研太畧於稽古之書質正是否於好事之人用贅于此云宋太宗留意翰墨淳化中出御府所藏命侍書王著臨榻以棗木鏤刻釐爲三十卷於每卷末篆題云淳化三年壬辰歲十一月六日奉聖旨模勒上石至仁宗又詔僧希白刻石于秘閣前有目錄卷後無篆題世傳以爲一王府帖者非也蓋元祐中親賢

宅從禁中借板墨百本，但用瀋谷墨，光輝有餘而不甚黓黑。又多木橫裂紋，時有皴散失字處。親賢宅、魏王所居魏王二王也，又有高宗紹興中國子監本，其首尾與淳化畧無少異。當時御前拓者多用匱紙，蓋打金銀箔者也。自後碑王作蟬翼本，且以厚紙覆板上，隱然爲銀挺擾痕，以愚人但損剥，非復拓本之道。勁矣！初徽宗建中靖國間，出內府續所收書，令刻石，即今續法帖也。大觀中又奉旨摹榻歷代真跡，刻石于太清樓。字行稍高，而先後之次與淳化則少異。其間數帖多寡不同，各卷末題云：太觀三年正月一日。

奉聖旨摹勒上石。此蔡京書也。而以建中靖國續帖十卷易去歲月名銜，以爲後帖。又刻孫過庭書譜及貞觀十七帖，總爲二十二卷，謂之太觀太清樓帖。絳帖者，尚書郎潘師旦以官帖摹刻于家，爲石本而傳寫，字多譌舛，世稱爲潘駙馬帖。凡二十卷，其次序卷帖，雖與淳化官帖不同，而實則祖之，特有所增益耳。單炳文曰：淳化官本法帖，今不復多見，其次絳帖最佳。而舊本亦已難得。嘗以數本較之，字畫多不侔。煥家藏舊本，比之今本第九卷內今本多誤筆。法且俗曹士冕曰：帖總二十卷，元無字號及斷眼，數目單炳

文曹士冕各有模刻本世傳潘氏析居法帖分而爲
之其後絳州公庫乃得其一於是補刻餘帖名東庫
本第九卷之舛誤蓋始於此且逐卷逐段各分字號
以日月光天德等二十字爲次第後避金主亮諱徂
廩亮帖內亮字皆去右邊轉筆謂之亮字不全本文
有新絳本北方別本武岡新舊本福清烏鎮彭州資
州本木本前十卷等類皆絳帖之別也潭帖者慶曆
中劉丞相帥潭日以淳化官帖命慧照大師希白模
刻于石寘之郡齋增入傷寒十七日王濛頬真卿諸
帖而字行頗高與淳化閣本差不同逐卷有慧照大

師希白重模字而歲月各異中間繆處甚多朱文公
譏其極爲可笑者是也潭帖之別則有劉丞相私第
本長沙碑匠新刻本三山木本蜀本盧陵蕭氏本等
類甚多戲魚即臨江帖也元祐間劉次莊以家藏淳
化閣帖十卷摹刻于戲魚堂除去篆題而增釋文慶
元中四川總領權安節又重摹于利州黔江者黔人
秦世章於長沙買石摹僧寶月古法帖十卷寶月慧
照也謀用載入黔中壁之黔江之紹聖院後題云長
沙湯正臣重摹鼎帖板本校諸帖增益最多澧陽石
刻散失僅存者右軍數帖而已又有淳熙修內司本

北方印成本烏鎮張氏福清李氏本若此之類太抵皆法帖一再之翻摹殊失筆意無足觀者汪達字季路衢州人官至端明殿學士建集古堂藏奇書秘蹟金石遺文二千卷著淳化閣帖辨記共十卷極爲詳備未云其本乃木刻計一百八十四版二千二百八十七行其逐段以一二三四刻于旁或刻人名或有銀錠印痕則是木製其墨乃李廷珪墨黑甚如漆其字精明而豐腴比諸刻爲肥劉潛夫曰近人多不識閣帖某家寶藏本皆非真真者字極豐穰有神采如潭絳則太瘦臨江則太媚又用李廷珪墨印造余始

得汪端明所託閣帖行數恨無真帖叅校晚使江左用二千楮致一本尤伯晦見之曰寶物也夫真帖可辨者有數條墨色一也他本刊卷數在上版數在下惟此本卷數版數字皆相聯屬二也他本行數字比帖字小而瘦此本行數字比帖中字皆大而濃三也余所得江左本每版皆全紙無接黏處一部十卷無一版不與端明所記合乃知昔人裝背之際寧使每版行數或多或少而不肯剪截湊合者欲舊帖之真面目四也

幽固

太師丞相脫脫之死，蓋副樞哈馬與其弟雪雪，并詹事額哥失里等，所以擠陷之也。哈兄弟得侍上帷幄而位後，我不能作右相，則左相必詹事矣。既而入中書，又虞額來，其權不顧。奏除宣政使，而以弟雪爲御史大夫。額殊失所望，未幾哈得罪，杖死。雪亦仰藥死。初，額有侍從人，亦曰桑哥失里，正桑額一字之異耳。服勞執事，得額意。額舉充院宣使。一日奄然長逝。經日乃醒，云方坐臥室榻上，見二卒自外躍入，導之往都城隍廟，轉發獄祠。祠吏曰：「來矣可亟解去。」旋又行入祠。

西北隅大林內有殿宇，若王者居。入拜殿下，已仰視之，則太師也。太師曰：「我所攝者院使也。」於汝無領，因俾左右引之觀幽園，見哈兄弟括髮關械，顧桑泣下。及出太師謂曰：「汝可即歸。」此非人間世也。退而覺恍，若一夢然。明白同寅有約，往院使家桑辭疾。且曰：君幸毋泄。吾恐院使不以久生矣。衆問其故，告以詳。皆相顧驚愕，曰：「昨日院使將上馬，以體少不安而入，豈遽至此乎？」語未終，有報院使已暴卒。近見浙西憲司經歷何伯大所說甚悉，此特其略耳。

煮豆帖

黃山谷煮豆帖云庭堅頓首失牛兒來終日惘然至今頭昏眼痛雖取所喜者爲之亦不能如意也以是不能修問辱手誨喜承日用輕安所湏諸方旣無人可抄又意緒不佳嬾動耳煮黑豆法確豆一升接莎極浮用貢衆一斤細剉如骰子同豆斟酌水多少慢火煮豆香熟日乾之翻覆令展盡餘汁簸取黑豆去貢衆空心日唱五七粒食百草木枝葉皆有味可飽也世間不強學力行自致於古人者不可不畜此方庭堅頓首翰禮秘校足下

妓妾守節

妓妾之以色藝取憐妬寵於主家者亦曰我之富與貴有以感動其中耳設遇患難貧病彼必戚戚然求爲脫身之計又肯守志不貳者哉如金谷園綠珠燕子樓盼盼韓香之於葉氏愛愛之於張逞者真絕無而僅有也太元混一以來得三人焉李翠娥維揚名倡也石九山萬戶納置別業石沒李誓不適他姓以辱身終日閉閣誦經而已年及七十餘萬戶之子若孫遇歲時咸往拜之樂籍中相傳以爲盛事王巧兒京師上色也陳雲嚮同知與之狎攜至杭陳卒奉正室鐵氏以清慎勤儉致其身汪憐憐湖州角妓也涅古

伯經歷常屬意焉。汪曰：君若不棄寒微，當以側室處妾，鼠竊狗偷，妾決不爲此態。涅乃遺媒妁備財禮，娶之。經三載，死。汪髡髮尼寺。時公卿士人有往訪之者，汪故毀其身形以絕狂念。卒老于尼。若此者亦可以追踪前古之懿德矣。

與妓下火文

錢唐道士洪舟谷與一妓通，因娶爲室。病且革顧，謂洪曰：妾死在旦夕，卿須自執薪還，肯作一轉語乎？夫妾歌兒也，卿能集曲調於妾未死時，使預聞之，雖死無憾矣。洪固滑稽輕佻者，遂作文曰：二十年前我共伊。

只因彼此太癡迷，忽然四大相離後。
你是何人，我是誰，共惟稱呼。
秀鍾谷水聲遏楚雲，玉交枝堅一片心。
錦傳道餘二十載，遽成如夢令。
休憶少年遊，哭相思，兩手託空意難忘。
一筆勾斷且道如何是，一筆勾斷孝順哥。
終無孝順逍遙樂，永遂逍遙聽畢，一笑而卒。
因記中吳紀聞載一事，云昆山倡周氏，係籍部中。張子韶爲守時，倡暴亡，適道川來訪，因命作下火文云：
可惜許，可惜許，大家且道可惜許箇甚麼？可惜巫山一叚雲，眼如新水點絳唇。
昔年繡閣迎仙客，今日桃源憶故人。
休記醜奴兒臉子，便須抖擻好精神。
南柯

夢斷如何也。一曲離愁別是春。太衆還知某人向甚麼處去。這裏分分會得。驀山溪畔頭頭盡是喜相逢。芳草渡頭處處六么花十八。其或不然更聽下句。嘆與君一把無明火。燒盡千愁萬恨心。其事頗相類。併附于此云。

賀人妾得子啓

陸伯麟側室育子。友人陸象翁以啓戲賀之曰。犯簾前禁。尋竈下盟。玉雖種於藍田。珠將還於合浦。移夜半鷺鷺之步。幾度驚惶。得天上麒麟之兒。這回喝采。既可續詩書禮樂之脉。深嗅得油鹽醬醋之香。蘇東坡

咏婢謔詞。有揭起裙兒一陣油鹽醬醋香之句。

弔四狀元詩

平江一驛舟中。有題弔四狀元詩者。不知誰所作。詩曰。四榜狀元逢此日。他年公論定難逃。空令太守提三尺。不覓元戎用。六韜元舉何如。兼善死。公平爭似子。威高世間多少偷生者。黃甲由來出後髦。元舉王宗哲字也。至正戊子科三元進士。時爲湖廣憲僉兼善泰不花字也。時爲台州路達魯花赤。公平李齊字也。時爲高郵府知府。子威李黼字也。時爲江州路總管。此四公者。或大虧臣節。或盡忠王事。或遇難而亡。故

云若論其優劣則江州第一台州次之高郵又次之憲僉不足道也

雞妖

至正丁酉春三月上海李勝一家雞伏七雛一雛作太雞狀鼓翼長鳴明年戊戌春正月錢唐盧子明家丁雞伏九雛一雛有三足二足在前一足在後三月諸暨袁彥城家一雞伏五雛一雛有四足二足在翼下不數日皆死而各家亦無他異

胡烈女

越嶼縣剡溪胡氏諱妙端適同邑祝某至正庚子春爲

苗獠虜至金華縣將妻之義不受辱乘間啗指血題詩壁上已赴水而死三月廿四日也獠帥服其節爲立廟祀之邑人咸曰烈女廟詩曰弱質空懷漆室憂搜山千騎入深幽旌旗影亂天同慘金鼓聲淫鬼亦愁父母劬勞何日報夫妻恩愛此時休九泉有路還歸去那箇雲邊是越州

蠹獄

盧伯玉文璽至正初尹荆山日忽有一白蠹登廳前兩目瞠視類有所訴者令卒尾之行去縣六七里有廢井遂跳入不出旣得報往集里社汲井獲死屍乃兩

日前二人同出爲商一人謀其財而殺之掩捕究問抵罪死者之家屬云其在生不食鼈見卽買放豈一念之善爲造物者固已鑒之鼈能雪冤良有以也

沁園春

宋劉改之先生造詞贍逸有思致賦沁園春一首以咏
美人之指申與足者尤纖麗可愛一曰銷薄春冰碾
輕寒玉漸長漸彎見鳳轡泥汙餌人強剔龍涎香斷
撥火輕翻學撫瑤琴時時欲剪更掬水魚鱗波底寒
纖柔處試摘花香滿鏤棗成斑時將粉淚偷彈記綰
玉曾教柳傳看算恩情相著搔便玉體歸期暗數畫

徧闌干每到相思沉吟靜處斜倚朱唇皓齒間風流
甚把仙郎暗摺莫放春閒一日洛浦凌波爲誰微步
輕塵暗生記踏花芳徑亂紅不損步苔幽砌嫩綠無
痕襯玉羅慳銷金樣窄載不起盈盈一段春嬉游倦
笑教人欵撫微褪些根有時自度歌聲悄不覺微尖
點拍頻憶金蓮移換文鴛得侶繡茵催袞舞鳳輕分
懊恨深遮牽情半露出沒風前煙縷裙知何似似一
鉤新月淺碧籠雲近邵清溪亨貞嗣其體調以咏眉
目真雋永有味一曰巧鬪彎環纖凝嫵媚明裝未收
似江亭曉玩遙山拂翠宮簾暮捲新月橫鉤掃黛嫌

濃塗鉛訝淺能畫張郎不自由傷春倦爲皺多無力
翻做嬌羞填來不滿橫秋料著得人間多少愁記魚
箋緘啓背人偷歛鴈鈿膠併運指輕揉有喜先占長
顰難效柳葉輕黃金在否雙尖鎖試臨鸞一展依舊
風流一曰漆點填眶鳳稍侵鬢天然俊生記隔花幣
見疎星炯炯倚闌凝注止水盈盈端正窺簾夢騰並
枕眸睨檀郎長是青端相久待嫣然一笑密意將成
困酣曾被鶯驚強臨鏡按杪猶未醒憶帳中親見似
嫌羅密尊前相顧翻怕燈明醉後看承歌闌鬪弄幾
度孜孜頻送情難忘處是絞綃搘透別淚中零

恭敏坊

李恭敏公者所居在江陰之南門其門首巷坊亦題曰
恭敏不知當日名坊之義而七八十年來子孫消削
第宅傾圯殆盡棄遺故址竟爲里豪薛得昭所吞土
木一新鄉閭健羨忽有人獻謠於薛云若不除去舊
坊終非君家利也薛深然之指數恭敏之族尊且長
者惟李唐卿可主其事乃呼至贈泉百緡李欣然撤
乏丁夕嚙語呻吟甚苦妻急呼之覺問其故曰我夢
見袍笏大官自云是我祖責以不能世守其業又毀
其坊既罵且撻我負痛叫號故致此耳語既畢死莫

救又數年城燬于兵薛氏室屋財產悉空貧無爲計
遂執幹役於時貴之家噫子孫之不肖強霸之用心
皆可爲後人鑒也

隱趣

余家天台萬山中茅屋可以庇風雨石缶可以具饘粥
雖行江海上而泉石草木之勝未嘗不在夢寐時見
也偶讀廬陵羅景綸大經所著鶴林玉露曰唐子西
云山靜似太古日長如小年余家深山之中每春夏
之交蒼苔盈階落花滿逕門無剥啄松影參差禽聲
上下午睡初足旋汲山泉拾松枝煮苦茗啜之隨意
上下午睡初足旋汲山泉拾松枝煮苦茗啜之隨意

讀周易國風左氏傳離騷太史公書及陶杜詩韓蘇
文數篇從容步山徑撫松竹與麌犧共偃息於長林
豐草間坐弄流泉漱齒濯足既歸竹窓下則山妻稚
子作筍蕨供麥飯欣然一飽弄筆窓間隨大小作數
十字展所藏法帖墨蹟畫卷縱觀之興到則吟小詩
或草玉露一兩段再烹苦茗一杯出步溪邊邂逅園
翁溪友問桑麻說杭稻量晴校雨探節數時相與劇
談一飽歸而倚杖柴門之下則夕陽在山紫綠萬狀
變幻頃刻恍可入目牛背笛聲兩兩來歸而月印前
溪矣味子西此句可謂絕妙然此句妙矣識其妙者

蓋少彼牽黃，臂蒼，馳獵於聲利之場者。但見袞袞馬頭，塵匆匆駒隙影耳。烏知此句之妙哉？人能真知此妙，則東坡所謂無事此靜坐。一百是兩白。若活七年，便是百四十所得不已。多乎此羅君語也。余蓋亦知此妙久矣。風塵湧洞，豺虎咬入，幾賦歸與之詩，計無所得。又未知何日可以遂吾志也。掩卷爲之三嘆。

日書三萬字

江浙平章子山公書法妙。一時自松雪翁之後便及之。嘗問客有以一日能寫得幾字。客曰聞趙學士言一日可寫萬字。公曰余一日寫三萬字。未嘗以力倦而

輟筆。公號正齋。恕叟。又號蓬累叟。康里人。

妓出家

李當當者。教坊名妓也。姿藝超出輩流。忽翻然若有所悟。遂著道士服。江浙儒學提舉段吉甫先生天祐贈。乏以詩曰。歌舞當今第十一。流洗妝拭面。別青樓。便隨南嶽夫人去。不爲蘇州刺史留璿館。月明簫鳳下。綺窓雲散鏡鸞收。却嫌癡絕潯陽婦。嫁得商人已白頭。能改齊漫錄云。唐陽郇伯作妓人出家詩曰。盡出花鉢與四隣。雲鬟剪落向殘春。暫驚風燭難留世。便是池蓮不染身。貝葉欲翻迷錦字。梵聲初落誤梁塵。從

今艷色歸空後湘浦應無解佩人湘山野錄乃謂陳彭年作此不考之過也吁二先生之風流餘韻於此可以想見矣

河南王

河南王十憐吉反爲本省丞相時一日揀吏田榮甫抱牘請冠請印王留田侍宴命司印開匣取印至前田誤觸墜地王適更新衣而印朱濺汙滿襟王色不少動歡飲竟夕又一日行郊天氣且暄王易涼帽左右捧笠侍風吹墮石上擊碎御賜玉頃王笑曰是有數也諭令毋懼噫此其所以爲丞相之量

妖異

至正辛卯夏松江普照寺僧舍一弊帚開花又嘉興儒學闍人陶氏磨上木肘發青條開白花又吳江分湖里煅工一柳樹椿以安鐵礎者且十餘年矣發長條數莖如葦三家雖有此恠而皆無恙豈非關孫國家之氣數乎

塔影入屋

平江虎丘閣版上有丁竅當日色清朗時以掌火白紙承其影則一寺之形勝悉於此見之但頂反居下耳此固有象可寓非幻出者松江城中有四塔西曰普

照又西曰延恩西南曰超果東南曰興聖夏監運家乃在四塔之東而小室內却有一塔影長五十許倒懸于西壁之上不知從何而來然不常有或時見之焉是又不可曉也

錢唐懷古詞

傳按察者忘其名錢唐懷古嘗作一詞云靜中看記昔日湖山隱隱宛若虎踞龍蟠下襄樊指揮湘漢鞭雲騎圍繞江干孰不成三時當混一過唐之數不爲難陳橋驛孤兒寡婦父假當還掛征帆龍舟催發紫宸初卷朝班禁庭空上花暉碧輦路悄訶喝聲乾縱餘

得西湖風景花柳亦凋殘去國二千游仙一夢依然天淡夕陽間昨宵也一輪明月還照臨安蓋鴨頭綠調也

人命至重

後至元間同知兩浙都轉運鹽使司事趙君伯常休白與書吏談官府政事因曰吾曩爲中書提控掾史時夜坐私第一室忽有兩隸來前傳都堂鈐旨呼喚遂即上駕隸前導至三官府樹木陰翳太官危坐聽事上問曰河南饑省谷至乃緩七日不報彼處死者甚衆汝知之乎吾答曰某提控耳該掾稽遲之罪已嘗

呈舉官沉思良久曰非汝過也汝退又命前隸曰可急追該掾某人來吾遂夢覺也明日晨起令人覘之夜暴死矣人命至重爾輩其慎之

度量宏深

建德路達魯花赤古篤魯丁字志道守贛州路任滿聽除時有故吏丘往臨江貼補介魯尺牘見總管木八刺木即自錄用就遣丘持俸鈔五十疋餽魯蓋魯以廉故家甚貧朋友間每分財以濟之丘寃匿其鈔後木數得魯書而謝不及此疑焉因便使問之魯知爲丘匿有即具書請失謝之罪丘聞此惶赧無地令兒

子奉鈔還魯終不受且爲隱其惡未嘗與人言夫魯西城人也度量之宏深乃如是可謂厚德君子矣若丘者名教中所不可容尚孰責哉

高麗氏守節

中書平章濶濶女之側室高麗氏有賢行平章死誓弗貳適正室子拜馬亞兒赤說其色欲妻之而不可得乃以其父所有大答納環子獻於太師伯顏此物蓋伯顏所屬意者伯顏喜問所欲遂白前事伯顏特爲奏聞奉旨命拜馬亞兒赤收繼小母高麗氏高麗氏夜與親母踰垣而出削髮爲尼伯顏怒以爲故違聖

旨拜奏，命省臺洎侍正府官鞠問諸官奉命惟謹，銀鍊備極慘酷。時國公濶里吉思於鞠問官中獨秉權力，侍正府都事帖木兒不花數致語曰：誰無妻子安能相守至死？得有如此守節者，莫大之幸而反坐以罪，恐非我治朝之盛典也。國公悟，爲言於伯顏之前，寃曲解釋其事遂已。帖木兒不花漢名劉正卿，後至監察御史而卒。

寒號蟲

五臺山有鳥名寒號蟲，四足有肉翅不能飛，其糞即五靈脂。當盛暑時，文采絢爛，乃自鳴曰：鳳凰不如我比。

至深冬嚴寒之際，毛羽脱落，索然如鷁雛，遂自鳴曰：得過且過。嗟夫！世之人中無所守者率不甘進。浩鄉里必振拔，自豪求尺寸名。詫九族儕類，則便志滿意得出。肆入揚，以爲天下無復我加矣。及乎稍遇貳抑，遽若喪家之狗，垂首貼耳，搖尾乞憐。惟恐人不我恤，視寒號蟲何異哉？是可哀已。

鄧思賢

嘗見人戲呼「一譁許」者，爲鄧思賢。初不可曉，後讀筆談，始得其說。云世傳江西人好訟，有一書名鄧思賢，皆訟牒法也。其始則教以晦文，侮不可得，則欺誣以取

之欺誣不可得，則求其罪劫之。蓋思賢人名也，人傳其術，遂以名書，村校中往往以授生徒。

醫科

醫有十三科考之，聖濟總錄、大方脈、雜醫科、小方脈科、風科、產科、兼婦人雜病科、眼科、口齒兼咽喉科、正骨兼金鑄科、瘡腫科、鍼灸科、祝由科，則通兼言。

輟耕錄卷第十五

輟耕錄卷第十六

陶氏二譜

宋泰山王質所著雲韜堂紹陶錄，錄中首載栗里華陽二譜，惟先生之太節高風流播千古，而質者乃能次第其出處，作爲年譜，且以名吾書紹陶之志是可尚已。遂錄于此云。

典寶圖栗里譜

元亮高風發於宋晉去就之際，君曾祖事晉，著勲勞自宋武帝及元復馬逆揣其末流，即不出武帝將收賢士以繫人心，見要亦不應陶謝皆世臣君。

世地色言俱辟而靈運爲武帝秉往最後乃欲詭
忠義雜江海遠師送君過虎溪而却靈運不入蓮
社素心皆所鑒知譜具左方

興寧二年乙丑

晉哀帝

君生於潯陽柴桑今德安縣楚城市是父軼名命
子詩云於穆仁考澹焉虛止寄迹風雲宜茲溫喜
陶氏自侃以武功擅世後裔稍襲故風多流亂岐
蓋折翼之祥發之旁泓傳淡傳君父子皆以隱德
著稱侃女適孟嘉嘉女適君父是生君其氣所傳
造化必有可言者

大元元年丙子

晉武帝

君年十二失母祭妹文云慈妣早世我年二六

大元九年甲申

君年二十失妻楚調詩云弱冠逢世阻始室喪箕
偏妾翟氏偕老所謂夫耕於前妻鉏於後當是翟
湯家湯莊矯法賜四世以隱行知名亦柴桑

大元十九年甲午

君年三十有歸園田詩云誤落塵網中一去三十
年初爲州祭酒當在其前不堪乃解歸故云久在
樊籠裏復得返自然尋亦却王簿

隆安四年庚子

晉安帝

君年三十六五月有從都還，阻風規林詩。當是參鎮軍衛命，自京都上江陵。故在始作鎮軍叅軍，經曲阿詩。後父在柴桑，故云「一欣侍溫顏」。又云「久游戀所生」。父爲人度，不肯適都。當是已舍單行見還。舊居詩。軍僚差彊郡吏，故云時來苟冥會。婉戀憇通衢，投策命晨裝。暫與田園疏。

隆安五年辛丑

君年三十七正月有游斜川詩。云開歲倏，五十方三十七作五日。是當是故歲五月還潯陽。今歲七

月適江陵。有赴假還江陵夜行途中詩。留潯陽踰年，當是予告在鄉。至是往赴云間居三十載。自未參鎮軍以前，得三十六年。當是不堪勞役，遂起歸意。故云詩書敦宿好，園林無俗情。如何捨此去，遙遙至南荆。失父祭妹文云：昔在江陵重罹天罰觸事，未遠書疏猶存。當是妹自武昌報江陵時，父在柴桑。

元興二年癸卯

君年三十九正月有始春懷古田舍詩。當是自江陵歸柴桑，復適京都宅。憂居家思溢城，故有懷古

田舍，又云良苗懷新，十二月有興從弟敬遠詩云
寢迹衡門下，在都亦當是處野。

元興三年甲辰

君年四十有連雨獨飲，詩云：偃仰四十年，有飲酒
詩云：是時向立年，志氣多所耻。遂盡分然，介終死。
歸田里，嘗是在壬辰癸巳爲州祭酒之時，所謂投
耒去學在，又云舟舟，星氣流亭亭，復一紀至是得
十二年。

義熙元年乙巳

君年四十一三月有爲建威參軍使都經錢溪詩

當是故歲自都還里，即吉庚子始事鎮軍繼事建
威中經崔嵬，至是得六年復衛命至都其家尚未
歸柴桑還舊居，詩云：疇昔家上京，六載去還歸，往
來時經鄉閭，不常留稍成疏，故云阡陌不移舊邑
屋或時非履歷周故居，隣老罕復遺，至是始定居，
斷他適，十一月有歸去來辭，九月家留柴桑身往
彭澤至是免歸，當是不堪軍役，故求縣不堪縣役，
故歸家所謂風波未定心憚遠役，彭澤去家百里
公田足以爲酒，少日眷然有歸與之情，平生之志
始決見序及辭甚詳，朱殊所謂情在駿奔，首免去

職是歲劉將軍錄尚書

義熙三年丁未

君年四十三有祭程氏妹文自乙巳至是所謂服制再周

義熙四年戊申

君年四十四有六月遇火詩云奄出四十年

義熙五年己酉

君年四十五有九日詩

義熙六年庚戌

君年四十六有西田穫早稻詩上

義熙七年辛亥

君年四十七有祭從弟敬遠文云絕粒委務考槃山陰晨采上藥夕間素琴當時同志見文甚詳

義熙十年甲寅

君年五十有雜詩云奈何五十年棄官來歸至是得十年故云荏苒經十載暫爲人所羈

義熙十一年乙卯

君年五十一有與子儼等疏云年過五十又云見樹木交蔭時鳥變聲亦復欣然五六月北窓下臥遇涼風暫至自號羲皇上人見疏甚詳

義熙十二年丙辰

君年五十二有下，漢田舍穫詩云：「余爲此來，三星火頽當是得此，在癸丑甲寅之間。」

義熙十四年戊午

君年五十四，楚調云：「僕俛六九年，召爲著作佐郎，不應。是歲宋公爲相國。」

元熙元年己未

晉恭帝

君年五十五，王休元爲江州自造，不得見，遣其故人龐通之等齋酒於半道栗里，要之即引酌野亭，休元出與相聞，極歡終日。嘗九日把菊無酒，休元

餉之有九日間居詩所謂秋菊滿園時，醪靡至當，是未獲所遺。休元在江州幾六載，未審的在何年，自乙巳至丁卯訖死，未嘗他適，獨暫爲休元入州。

永初元年庚申

宋武帝

君年五十六，同隱周續之召至都，爲顏延之連挫，義熙間，檀韶爲江州邀續之，在城北講禮，鑿石有示周掾祖謝詩云：「馬隊非講肆，校書亦已勤。」又云：「但願還渚中，從我潁水濱。」江城尚不欲周往，奚況京師？劉遺民亦同隱，有和劉柴桑詩云：「挈杖還西廬，又云春醪解飢劬。」其還以春有酬劉柴桑云：「嘉

穂眷南疇又云慨然知已秋其還至是及秋初自西廬移南村有移居詩云聞多素心人樂與數朝夕又云過門更相呼有酒斟酌之遷居殆爲遺民之徒尋還西廬度相距亦不遠與遺民更相酬酢不改賞文析義之時未審的在何年或恐劉柴桑似縣令劉或嘗屬爲此縣存此乎或有命不爲猶續之嘗命爲撫寧參軍不就因呼周掾皆不可知非時爲宰者語皆冷交非熟官丁柴桑詩云秉直司聰于惠百里此乃當官無疑尋詩鍾情於劉過厚於周遺民自隱之餘無聞續之在隱之中微婉略見

君與周劉號潯陽三隱校情義稍有淺深是歲宋武帝踐祚

晉管陽王

景平元年癸亥

宋文帝

君年五十九頗延之爲始安過潯陽日造飲醉醉臨去留二萬錢送酒家相知久間驟見益驩延之未審何時來柴桑所謂目爾分居及我多假伊好之洽接簷隣舍當是不詣劉穆之時又未審何時去柴桑當是爲豫章世子參軍之時據誅參傳略見

元嘉三年丙寅

宋文帝

君年六十二檀道濟爲江州時抱羸疾多齋饅往候饋以梁肉不受

元嘉四年丁卯

君年六十三有自祭文云律中無射擬挽歌詩云嚴霜九月中送我出遠郊當是杪秋下世顏延之誅云視化如歸臨凶若告藥劑弗嘗禱祠弗恤其臨終高態見誅甚詳君平生好談歸盡蕭統以爲處百齡之內居一世之中倏忽白駒寄寓逆旅與大塊而榮枯隨中和而放蕩豈能勞於憂畏役於人間最知深心形贈影答神釋本趣略見所謂縱

浪大化中不喜亦不懼應盡便湏盡無復獨多慮惟患不知既已洞知安坐待此夫復何言杜甫許大避俗未許達道識者更詳之

書陶華陽譜

通明高風發於梁齊宋去就之際君祖父皆食宋祿身又生宋代自齊高帝伐宋旋引去梁武帝伐齊益退藏平時以師侍君然太節有定操豈復以恩禮推移暫至丹陽應簡文之命不少至京都慰武帝之懷抑何其堅忍壯年果於遺世悠之審故判乏不疑譜具左方

孝建三年丙申宋世祖

君生於丹陽秣陵今上元縣治村是母郝氏夢兩夫人持爐爇香來前有娠今世爲君再世爲孫思遯兩世肇啓於郝故其兆先形當是本居天仙趣報盡還入人趣植根弗凡受形亦異生以火年火月又夏至極陽日悉稟純陽多起飛心累功積行所升賞益高推佛言參君迹畧見

大明四年庚子

君年五歲常持荻畫灰學書

泰始元年乙巳宋明帝

君年十歲得葛洪神仙傳即有志養生語人仰青天睹白日不覺爲遠及長博讀書遂解文武諸伎自後不文地理人事雖至淵妙咸臻厚極當時已罕傳歷年愈遠行世寢稀梁傳所載十二種今傳惟三種傳不能紀十種唐志所載九種今傳惟四種傳有志無八種傳無志有五種本草後人增衍考正益詳間與集注差異

元徽二年甲寅宋蒼梧王

君年十九薦將軍錄尚書引爲諸王侍讀故事止典文學無他務除奉朝請故事止奉朝會請召本

不爲官雖在官途亦居靜地及求縣乃不遂緣執可覓

永明十年壬申齊世祖

君年三十七家貧求宰縣不遂脫朝服挂神武門去止苟曲山體即輕捷性嗜山水所歷必吟咏盤旋不已語人吾見朱門廣廈雖適其華樂而無欲徑之心望高巖戰大澤知難立止首常欲就之永明中求祿得輒差舛不爾豈得爲今日之事亦緣執使然此語甚眞是事先有根次有緣次有執相符乃入所謂道生之德畜之物形之執成之惟難

契故曠世難就

隆昌元年癸酉

齊鬱林王

君年三十八沈約爲東陽屢要不至自棲苟曲不出所謂偏歷名山求訪仙藥或未然一至句章禮育王塔二至丹陽應太子召他適皆無考又言往東陽從孫游嶽授符圖經法亦無考惟楊羲靈寶五符傳句容葛粲粲以傳陸修靜陸以傳孫許處二景歌東陽章靈民出都遇得以與孫度所得止在秣陵句曲之間非遠邇而後傳

永元元年己卯

齊東昏侯

君年四十四在句曲築壤高三層身處其上弟子居其中賓客至其下與物遂絕不娶無子他眷亦不通先斷此根可議他事特愛松風庭院皆植松聳聳爲樂間獨遊泉石此門足濶便清神仙上景多雲霞下景多山水物多金玉色多紫碧他皆類是所謂熟之養之覆之若欲成辦必加將護大要離塵換境爲上

中興元年辛巳

齊和帝

君年四十六蕭都督至新林遣弟子戴猛之迎謁初齊末作冰丸木之歌至是援識文成梁字令弟

子進之遂以梁建國後覆沒亦預言朱點已已詩嘆朝陽重離七元卒驗雖隱茅山不郤人主諮詢中大通初獻善勝成勝二刀度武帝狃陳慶之覆魏洛陽好失之心寢侈參會侯景大觸駭機豈盡忘拔世者但觀時耳蚤慕張良甚深黃石編書蓋天傳真秘諜兵法其間餘事推已及物亦致平緒術此門隱除魔顯定亂學道者問及君著冰鏡握鏡當是早爲豈挂晚念

天監元年壬午

梁高祖

君年四十七梁武帝在西邸與游及卽位恩禮彌

篤問訊弗絕屢招不至畫兩牛牧放水草之間
一金絡頭人執杖驅之知不可復致旁族季直亦
不肯事梁武帝嘗歎梁有天下遂不見此人門風
何繇乃爾

天監四年乙酉

君年五十移居積金澗泉石益奇無蛇虎有佳木
及雜藥初乏青林及來居皆自茂在句曲東麓
中大通元年己酉

君年七十四遇異人宣闡以本草用蟲蟲水蛭之
屬傷物遲一紀可解形至期果化凡十餘種

世傳闡自青城來苟曲先升以君闡帶錄其積水
之功化後爲蓬萊都水監見仙傳及拾遺甚略今
茅山相傳稍詳但微涉異

大同二年丙辰

君年八十一隻眼或方夢勝力菩薩授菩提記乃
詣鄆縣禮阿育王塔自誓受戒世傳呂巖從鍾離
權受効訣後二百餘年來參黃龍惠南始竟佛言
不修正覺別得生理休止深山太島絕於人境報
盡還來散入諸趣晚年始堅此願唐志有所著草
堂法師傳當時佛教雖隆禪宗未開圓覺以大通

五年至以是年去留臺城十九日度君不及相見大同六年庚申

君年八十五逆歿二日仍爲告逝詩及卒顏色如常香氣彌山華陽頌云號期行當滿亥數未終丁追乃承唐世將賓來聖庭化後一遇丁亥爲陳臨海王光大元年再遇丁亥爲唐太宗貞觀元年升平之盛降古所稀聖庭當是此時初隋文帝輔周以國子博士召孫思邈不應密言後五十年有聖人出吾且助以濟人宣政元年至貞觀元年適滿五十年應命來見太宗官之不受辭歸太白山嵐

素極類隱居他無種不類形有轉移神無變易自是至丁卯獨孤信鎮洛陽之時正七歲至丁亥太宗召至長安之時得八十七歲暮齡有少容所以驚嗟盧照鄰稱其自謂生開皇辛酉當時已不信若爾豈得聖童之稱博士之召貢觀丁亥方二十七歲豈得少容之嘆若言數百歲豈得七歲弱冠之譽度思邈之生適繼隱居之沒其爲後身何疑挺契頌又云重離倘或似謂簡文與武帝俱非令終又云七夕乃扶胥謂武帝凡七改元世稱推戴爲策立侯景嘗爲懷朔鎮功曹吏至是纂集稱漢

故云扶胥所謂篇中字皆有義旨後人自以篇中事求之則機萌一頌二十字顧豈虛設矧又彰明業運頌又云濟神既有所在去留從所宜神既濟矣在於何所華原孫氏即其所在也已當知佛言報盡還來及舍生趣生至確何信識者更推之

藥譜

清異錄二卷乃宋陶翰林穀所撰凡天文地理君道官志人事女行君子么麼釋族仙宗草木花果蔬藥禽獸蟲魚文體作用居室衣服粧飾陳設器具文用武器酒漿茗卉饌羞喪葬鬼妖皆創爲異名新說而藥

譜一則尤奇甚因備錄之

茲芻清本良於醫藥數百品各以角貼所題名字詭異余大駭究其源底答言天成中進士侯寧極戲造藥譜一卷盡出新意改立別名因時多艱不傳于世余以禮求假一通用娛閒暇

假君子

牽牛

昌明童子

川烏頭

淡伯

厚朴

木叔

胡椒

雪眉同氣

白扁豆

含光使者

椒

馘毒仙子

預知

貴老

陳皮

化米先生

神麴

九日三官

吳茱萸

遠秀卿

沉香

三間小玉

白芷

中黃節士

麻黃

時美中

薜蘿

導河掾

木猪茶

嗽神

五味子

曲方氏

防風澤鴻

白大壽

吳术

黃英古

檀香

綠劖真人

菖蒲草蒲

禹孫

澤鴻花

橐籥尊師

脾仙靈

風稜御史

史君子

雪如來

白芨

赦肺侯

款冬花

骨鯁元君

草薢

太青尊者

朴硝

既濟公

升麻

冷翠金剛

石楠葉

脫核嬰兒

桃仁

抱雪居士

香附子

隨湯給事中

甘遂

澀翁

勤詞梨

苦督郵

黃芩砂

知微老

白薇

削堅中尉

稜枳殼

洞庭奴隸

枳殼

魏去疾

阿魏

斜枝大士

草龍瞻

野丈

白頭翁

建陽八座

瞻蛇子

玄房仲長

統阜統英

叢生藥王

覆盆子

仁棗

川練子

命門錄事

安息香子

隱上座

郁李仁

飛風道者

牙硝自然香

畢和尚

華蓋茄

金山力士

自然銅自大腹皮

麝男

井松

草東床

大腹皮

腎曹都護

葫蘆巴

玲瓏藿去病

藿香桑白皮

千眼油

蕤人

延年卷雪

桑白皮

水銀脂

輕粉

六停劑

五味子

顯明犯

阿膠

出樣珊瑚木

中央粉

瘡帝

烏首

支解香

丁皮

洗瘡丹

檳榔

海膽

麒麟鱗

水磨橄欖子

金錢

無名印

地榆

無憂扇

桃葉

鬼木串

槐角

黑殺星

砂夜明

續命筒

乾漆

度厄錢

連翹

聖龍鬆

瞿麥

羽化魁

五加皮

湯王

山茱萸

德兒

杏仁

翻胃木

常山馬兜鈴

偷蜜珊瑚

甘草

紅心石

赤石脂

混沌螟蛉

寄生

靜風尾

荆介草

正坐丹砂

附子

藥本

五靈脂

迎湯子

瓦絲子

山屠

黃麋

脾家瑞氣

肉荳蔻

王黃瓜

馬兜鈴

甜面淳于

密陀僧

剔骨香

青皮

混沌螟蛉

寄生

痰宮勞歷

半夏

玉虛飯

龍腦

王黃瓜

馬兜鈴

黑龍衣

鱉甲

小帝青

青鹽

王黃瓜

馬兜鈴

綬帶米

麥稭

半夏精

天南星

王黃瓜

馬兜鈴

沙田髓

黃精

無聲虎

大黃

王黃瓜

馬兜鈴

草兵

巴豆

巢煙九肋

烏梅

王黃瓜

馬兜鈴

雛面還丹

人參

琥珀孫

松脂

王黃瓜

馬兜鈴

不死麪

伏苓

火泉

竹瀝

王黃瓜

馬兜鈴

陸續丸

子芩荆

地白

瓜蔞根

王黃瓜

馬兜鈴

滴膽芝	黃連	新羅白肉	白附	瘦香嬌	丁香
破關符	蓬莪	玉絲皮	杜仲	血櫃	牡丹
川元蠶	川芎	九女春	鹿茸	百藥綿	黃耆
英華庫	益智	通天柱杖	牛膝	赤天佩	薑黃
丹田霖雨	巴戟	百文鬚	石斛	飛天蘂	旋覆花
安神隊杖	麥門冬	鄆芝	天麻	錦繡根	芍藥
草魚目	薏苡	茅君寶蕊	蕎木	尉佗圭	桂
鍊形松子	柏子仁	蘆頭豹子	柴胡	丑寶	牛黃
肚裏屏風	艾	九畹菜	澤蘭	女二天	當歸
大通綠	木香	旱水晶	硼砂	還元大品	地黃
兩平草	羌活	死水	白僵		
一寸樓臺	蜂窠	二尸籙	拘杞		
拔萃園	麝香	綠鬚薑	細辛		
走根梅	葛根	八月珠	茴香		
理光烏藥	良薑	椹聖	草撥		
吉祥杵	桔梗	金母蛻	鬱金		
良醫七首	亭歷	產家大器	秦艽		
鬼丹	盧會	宜州樣子	白豆蔻		
孝梗	知毋	萬金草	紫苑		
西天蔓	前胡	蕨臣	卷柏		
		五福纏	白斂		

保生叢

藁本

狨奴

狗脊

蒜腦譜

百合

脩身弩

芫花

帝膏

蘇

玉靈片

石膏

世系

宋馬永卿嬾真子錄云古人重譜系故雖世胄綿遠可以考究淵明命子詩云天集有漢眷于愍侯赫赫愍侯運當攀龍撫劍風邁顯茲武功參誓山河啓土開封按漢功臣表開封愍侯舍以左司馬從漢破代封侯昔高帝與功臣盟云使黃河如帶泰山若礪國以永存爰及苗裔所謂參誓山河謂此盟也高帝功臣百有二十人舍其一也又云亹亹丞相允迪前從渾

渾長源鬱鬱洪柯群川載導衆條載羅時有語默運同隆窊此蓋謂青也功臣表開封愍侯舍封十一年薨十二年東侯青嗣四十八年薨所謂群川衆流以諭支派之分散也語默隆窊以言自青後未有顯者也淵明乃長沙公之曾孫然侃傳云不載世家獨於此見之後世累經亂離譜籍散亡然又士大夫因循滅裂不如古人所以家譜不傳於世惜哉

輟耕錄卷第十六
續耕錄卷第十六

